



Universitätsbibliothek Paderborn

**Bernardini Scardaeonii Patauini Presbyteri de Castitate
Libri Septem**

Scardeone, Bernardino

Venetiis, 1542

Non esse opus nunc propagatione carnali, nec quicqua[m] contra legem
agere, & q[ue] iam nimis repletus sit mundus hominibus cap. xli

urn:nbn:de:hbz:466:1-30433

DE CONIV. ET CONTI. SACER.

di, & molitor Deus tunc à primordio, in tam uasta solitudine uniuersi orbis, & in tam pusillo hominum numero, benedixerit sic nuptiis, dicens. Crescite, & multiplicamini, & replete terrā. Per necessaria quidem fuerat eiusmodi multiplicatio: ut tam latum orbis spaciū ratio[n]abili simul semine repleretur, quod mox erat & anima libus brutis opplendum: ne scilicet homines paterentur terram manere incultam, & numerosa copia bestiarum, ac uastissima solitudine imaniter efferarentur. Q[uo]d uāobi rem post diluuium quoque quum uniuersum pene hominum genus esset aquis deletum, dictum rursus fuit, Noe filiis. Crescite, & multiplicamini super terrā. Quid est quōd mandat crescere super terram, nisi ut sit populus, & is maximus, unde postea ueluti ex seminario quodam, & uirgines, & cœlibes secernerentur: qui incorruptis moribus uiuentes, alios edocerent recte uiuere: ut una secum postea repleant paradisum: Sylva plantanda est, ut crescat & ut sit, quod inde ad opus melius excidatur. Vinea quoque & ipsa plantatur, & cerebra suffosione uberioris propagatur, ut inde frequentes botri, & dulcia musta profluant, multo sanè potiora, quam oenitas umbræ & opacitas foliorum. Sic & in matrimonii, ubertatis proprius fructus est continentia, in qua quidem plures saluantur, quam in delectatione, & amœnitate nuptiarū. Sed terra modo satis oppleta est, nihil necesse ē, ut fœcūda libidinis irriguitate luxuriet: & malis etiā seminibus occupetur, sterilitatis metu. Atq[ue] magis opus est, plusq[ue] expedit ut ex sua tāta ubertate aliquot fructus pariat, qui eximātur ad maius opus, q[ue] ad solā propagationem carnalem, quicq[ue] de carne quā sint, uiuant tamen spiritu præter carnem.

Non esse opus nunc propagatione carnali: quicq[ue] quam contra legem agere, & q[ue] iam nimis repletus sit mūdus hominibus, Cap. XLI.

Gene. 8

LIBER TERTIVS.

ET si matrimoniuū (ut id tibi concedam) uideatur
ob necessitatem propagationis in principio mun-
di habuisse præceptum: attamen multiplicato po-
sita genere hominum, quo ad eos, qui meliora non uo-
uerint, indulgentiam tantum habet, & remedium forni-
cationis, non autem præmium, neque præceptum: alios
qui transgressor legis foret, quicunque caste uiueret, &
mire matrimonium contemneret, quod planè constat
esse uanissimum. Sed quid iam quælo opus est hac ho-
minum multitudine: quid tu eam tanti facis? Vix nos
capit orbis circuitus, de terminis quotidie litigatur, inq;
fines inuicem irrumptimus alienos: ut uel super posse
sorio, uel de finibus, erciscundæq; familiæ causis asidue
perstrepit iudiciale tribunal. Hæc una contentio forum
tenet, exercet, ditatque causidicos: commititque inter
se cognatos, affines, ciuitates, prouincias, & re-
gna. Iam instantum quidem creuimus numerum,
ut nisi immaturus occidentium decessus, sub na-
scientibus locum daret, nosque absorberent Maria, labo-
res immodici consumerent, noui morbi subtraherent,
rapula, ingluiesque necarent: & plus hominum fere
gladius, bellaque, quam naturalis fatorum conditio ra-
perent, iamdiu certe in tam lato orbe, hominibus ipsis
commorandi locus non esset, minusque pascendi. At
turus ingeminant hī. Crescite & multiplicamini, & res-
plete terram. Quidnam hæc multiplicatio ad nos, in
quos fines seculi iam aduenierunt: quibus scriptum est:
Tempus breue est, reliquum est, ut qui habent uxores,
tamquam non habentes sint. Neque sanè modo popu-
lus tam propagandus est carnali propagatione, quam
recensendus spirituali reformatione: quoniam iam instat
dies domini, & omnia finiuntur breui. Pro uarietate qui-
de temporum uariabilis quoque esse debuit dispositio
conditoris: ut de testamento ueteri factum fuisse uideo-
mus: quum tamē is ipse conditor Deus ppetuo stabilis

DE CONIV. ET CONTI. SACER.

absq; ulla mutatione permaneat. Siquidem & Abrahæ
cuit ancillæ habere concubitum, nec secus euenit nepoti
eius Jacob, qui dū Racheli, & Llæ uxoribus obtēperat,
genuit eis liberos ex ancillis: Verum sicut non est dādū
uitio eiusmodi hominū pellicatus, ita quoq; non est in
exemplum trahendus: quando ex diuina dispensatione
contigerit. Eo quidem tēpore, ac illis moribus, nō libidi
nose quicq; ab his siebat, q;uis ea facerent, quæ hac tēpe
state, nisi libidinose fieri nullo modo possint. Sunt enim
ea, quæ tunc re ipsa siebant, figurate, & prophetice interpre
tāda, & nō imitāda: utpote tūc facta, ut essent posteris p
digia, & significations futurorum. Quamobrē multo
maioris meriti eos fuisse propterea apud Deū cēsēndū
est, q; illos, quibus secūdū ueniam concedit Apostolus car
nali cū suis uxoribus cōsuetudinē, ne labātur interim in
fornicationis peccatū, propter intēperantiā. Id enim qd
secundum ueniam conceditur, fieri sine culpa non pote
rat, quum non propagandæ tantummodo sobolis cau
sa, sed exaturandæ potius libidinis gratia fieret: quod illi
ueteres patres neq; uxoribus, neq; concubinis admixti
quæsierāt. Nam sicut ualde frugi, & moderatus homo
in cibo, & potu, non nisi salutem, & substantiam corpo
ris querit: ita illi sancti patriarchæ in eo concubitu, non
nisi filiorum propagationem quærebant, quæ erat ei tē
pori necessaria: quando exigua pars orbis existebat tūc
Dei populus, qui in immensum fuerat & corporaliter,
et spiritualiter, propagandus. Quippe et Athenienses
olim quum bellis, et lue exhaustam ciuitatem noua so
bole reparare statuissent, decreuere singulis, quibus facul
tas alendæ familiæ esset, duas uxores duci, urbanam, et
agrestem: ex quibus liberos uberiorū p̄pagarēt. Quod
tunc et Socrates ex imperio legis fecisse putandus est, q
alioqui nullā fuerat fortasse ducturus. At modo nobis
longe secius agendum est, quibus nulla talis propagādi
necessitas inest, et quibus dictum est, spiritus est, qui uis

112
nificat, caro non prodest, quicquam: quibusq; datae sunt
repromissiones spirituales, non carnales. Sed quid iam
pluribus uerbis instamus: si tam bonum, et honestū est,
ut isti autumant, terram quoquo modo per opera caro-
nis, nulla habita honestatis ratione, ubiq; hominum mul-
titudine repleri, quid iam pudicitia est opus, quid ma-
trimonio: quid fœdere nuptiarum: siquidem cer-
tior fœcuuditas, atque frequentior soboles potest ex
incontinentia, quam ex pudicitia prouenire. Nam quis
pudor: quæve ratio obstabit: ex istorum sententia,
quin iam Semiramis illius reginæ impudicæ coen-
dipromiscue lex rursum inducatur, et simul è com-
mentitia ciuitate Platonis, illa tanta rerum omnium so-
cetas, ut et mulieres uiris, et uiri mulieribus sint com-
munes, et denique fœmina maribus misceantur gregas
tim, et publice, in uiis, ut greges, et armenta in pascuis, si-
c ut Zeno, et Cryssippus, et Diogenes, et alii huiuscet tan-
ta communitatis auctores improbe philosophati sunt.
Quem morem Agathyrlos et Scitas ac Massegetas le-
gimus obseruasse: quodque sua etiamnum ætate. D. Hie-
ronymus scribit, Scotoru natione facere solitæ q; ut cuiq;
libitū est, pecudū more, in quæcunq; obuia fiat insultātes,
sine ullo pudore lasciuūt. V idete q; multa infanda susci-
piēda sunt uobis, si imperaueritis (ut uelle uidemini) geo-
nus hominū, nulla habita ratiōe pudoris, esse quocunq;
modo multiplicandum. Procreationi sanè fillorum ope-
ra danda est, quis negat: at legitime, at honeste, at hu-
mano more, & rite in fœdere matrimonii: non aut
tem improbe, inuercunde, pruritu canino: et ut im-
pudici uolunt, illegitime, & usu promiscuo fœmi-
natum. Male ergo interpretantur scripturam mali:
quando ex eorum peruersa interpretatione tanta mox
cōfusio uitæ, & morū subuersio cōsequatur: quod si fiat,
omnem religionem, fidem, pudoremque tolli necel-
le foret. Definat ergo mali agere querere, & falsæ interpre-

DE CONI. V. ET CONTI. SACER.

ulstitutionis nube obtegere improbos , & impudicos
mores: subuententes inique in exitium uitutum , & pa-
trocinium uitiorum , quæ ad salutem huiani generis
scriptura commemorat.

De multiplicatione spirituali in tanta hominum mul-
titudine querenda. Cap. b. X L I I .

Gene. 1

Q Vanto uero satius sit spiritualem deinceps pro-
pagationem in tanto numero hominum exo-
ptare, quam carnalem, nemo sanè mentis igno-
rat: quum iam longe præstet fœcunditati uirginitas , &
magno interuallo castitas connubio præferatur , usque
adeo ut idē qui in primordio rerum dixerat crescere, &
multiplicamini, & replete terram, modo suadeat in hac
estate nouissima coelibatum , & consulat continere, &
spadonum more sese castrare , ut non iam terra carnali
propagatione, sed coelum spirituali sobole compleatur.
Dedecet, n. genus hominum belluarū more numero, &
mole tantum corporis crescere, & nō potius uitribus,
& spiritu rationabiliter ampliari . Huius autem duplicitis
propagationis, spiritualis, & corporalis figura nobis
oblata fuit in duobus patribus ueteris testamenti, tāquā
duobus seminaris totius humani generis. Adam uideli-
cet, & Noe, quibus benedixit Deus eadem benedictio
ne uerborum: ut crescerent, & multiplicarentur . Prior
namque benedictio propagationis, quæ est ab Adam,
qui terrenus interpretatur, terrenam, & corporalem ge-
nerationem præfigurat, quæ tandem propter carnis uit-
tum, cui totam sese tradiderat, uniuersali est submersa di-
lilio. At altera, quæ ē spiritualis regeneratione, in Noe be-
nedictione cognoscitur, qui interpretatur quiescens: &
portat formam spiritualis regenerationis: cuius est pro-
prium continue diuinæ contemplationi uacare , quod
tunc præcipue præstamus, quum pacatissima & animi,
& corporis